

“Արցախ ՀԷԿ”-ի տարեկան ընդհանուր ժողովի արդյուքները:

Ս.թ. ապրիլի 27-ին ԼՂՀ Ստեփանակերտ քաղաքում տեղի ունեցավ «Արցախ ՀԷԿ» ԲԲԸ-ի բաժնետոմսերի հանրային առաջարկից հետո անդրանիկ տարեկան ընդհանուր ժողովը: Օրակարգում Տնօրենների խորհրդի կողմից ընդգրկված էր թվով 12 հարց, այդ թվում՝ Տնօրենների խորհրդի անդամների ընտրության, 2009թ. տարեկան հաշվետվությունների հաստատման, շահույթի բաշխման և շահաբաժինների չափի ու վճարման կարգի հաստատման, նոր խմբագրությամբ կանոնադրության հաստատման, ինչպես նաև ընկերության կորպորատիվ կառավարման ոլորտը կարգավորող հաստատման ենթակա ներքին մի քանի կանոնակարգերի քննարկման վերաբերյալ հարցերը:

Ժողովի ընթացքում ընկերության Գլխավոր տնօրեն Վահրամ Բեգլարյանը ներկայացրեց 2009-2010թթ. տեղի ունեցած ընկերության հետ կապված առավել հիշարժան իրադարձությունները, մասնավորապես, բաժնետոմսերի առաջնային հրապարակային առաջարկի իրականացումը, «Նասդաք Օեմէքս Արմենիա» ֆոնդային բորսայի B հարթակում բաժնետոմսերի ցուցակումը, «ԱՐՄՍՎԻՍԲԱՆԿ» ՓԲԸ-ի կողմից ընկերության բաժնետոմսերի պարտադիր երկկողմանի գնանշումների կազմակերպումը և «Թրդի-1» ՀԷԿ-ի շահագործումը: Տեղեկացրեց, որ տարեվերջին շահագործման կհանձնվի նաև «Թրդի-2» հիդրոէլեկտրակայանը, իսկ 2011թ. պլանավորվում է ավարտել «Մադադիս-1» և «Մադադիս-2» հիդրոկայանների շինարարական աշխատանքները ու շարունակել «Թրդի-3» ՀԷԿ-ի շինարարությունը: Տնօրենների խորհրդի կողմից առանձնակի հետաքրքրությամբ քննարկվեցին Բաժնետերերի տարեկան ընդհանուր ժողովին առաջարկված շահույթի բաշխման վերաբերյալ հարցը, դրա համամասնությունները մեկ բաժնետոմսի անվանական արժեքի նկատմամբ՝ 10% տարեկան եկամտաբերության հաշվարկով կամ 596 207 400 (հինգ հարյուր ինսուսնվեց միլիոն երկու հարյուր յոթ հազար չորս հարյուր) ՀՀ դրամ ծավալով:

Օրակարգում ընդգրկված հարցերի քննարկման ավարտից հետո «ԱՐՄՍՎԻՍԲԱՆԿ» ՓԲԸ-ի Կորպորատիվ ֆինանսների բաժնի պետ Արկադի Փինաչյանը բաժնետերերին ներկայացրեց «Բաժնետերերի իրավունքները և դրանց իրականացման մեխանիզմները «Արցախ ՀԷԿ» ԲԲԸ-ում» թեմայով զեկույցը:

Եզրափակելով Ժողովը՝ Հաշվիչ հանձնաժողովը նշեց որ 5 օրվա ընթացքում կամփոփի քվեարկության արդյունքները և վերջնական տվյալները կհրապարակվեն ընկերության էլեկտրոնային կայքում՝ 15 օրվա ընթացքում: